

陝縣志卷十一

歐陽珍編次

武備

洪範八政八曰師孔子曰有文事者必有武備又曰足食足兵故兵可百年不用不可一日不備自杜佑通典馬端臨文獻通考對於歷代兵制皆詳哉言之陝縣介穀函之間當東西要衝自古為兵家重地然舊日志書散佚殘闕地方兵制明以前不可得而紀茲以明清兩代常備戍衛暨近今人民自衛武力著於篇以資後之覽觀焉

陝州團操馬民壯三十名銀四百三十二兩步兵民壯九十名銀六百四十八兩抽選游擊操練步兵三名銀三十兩守城馬民壯三名銀四十三兩二錢步兵民壯四十三名銀三百九兩六錢

西破口巡檢司弓兵二十四名

硤石巡檢司弓兵三十名

宏農衛兩班邊操軍共五百一十名免班邊操軍一千三百四名每名月支糧八斗陝州

陝縣志

卷十一

官倉支

守宏農衛指揮一員

弘農衛在陝州治東明洪武二年建以指揮領之其掌印京操宣府操城操屯田管局巡

捕各員俱考選

其幕經歷司鎮撫司其轄左右前千戶所四百戶所四十守禦百戶所一

屯田三千四百九十三頃

屯糧二萬九百六十四石

軍器局在衛治西北

演武場在州城南門外

以上明時兵制

宏農衛丁地事務歸併河南府屬陝州靈寶閿鄉澠池盧氏永甯宜陽各州縣管理

陝州營 舊係河南營千總分防雍正二年以陝州改直隸州河南巡撫田題奏請增設營汛官兵陝州始別立一營改設守備自洪其烈始嗣改為都司僉書自徐世俊始駐劄陝州轄陝靈閿地方中軍千總一員專汛陝州地方協防七里鎮外委把總一員專汛東路地方分防靈寶縣把總一員協防靈寶虢略鎮外委千總一員分防閿鄉把總一員協防閿鄉縣太峪外委把總一員統屬河北總鎮



都司 多以武進士充之戴藍翎侍衛銜其公署在陝州道尹公署左壁現改設福音堂  
屬員有中軍一人千總把總分屬之

七里鎮硤石鎮觀音堂先後有把總駐守

自雍正二年陝州別立一營改設守備旋改爲都司以至清末無大變更

以上清  
代兵制

鎮守使 自清季豫東南北均設總鎮惟豫西無之所有地方軍務向由河北鎮統轄入  
民國留豫毅軍左路統領丁香玲兼豫西勦匪司令率所部常川駐陝八年始改設豫西  
鎮守使仍以丁香玲充任鎮署設陝縣舊道尹公署十一年馮玉祥督豫四鎮守使均取  
消

縣隊 民國元年縣公署添設偵緝隊專事勦辦地方土匪旋改爲警備隊統稱之曰縣  
隊設隊長一人不另立隊部仍附縣公署由縣知事指揮

巡緝營 民國七年奉河南督軍趙令改編巡緝營範圍較縣隊擴大兵士增至百數十  
名與陸軍營部人數雖懸殊而組織相若設領官一人少校級隊官二人上尉級隊長四  
人中尉級均由河南督軍趙委任軍需長一人書記長一人司書若干人隊部設城東街  
李公祠十一年六月流寇老洋人攻陝城隊兵有通賊者開門迎之領官丁保成偕賊擄

## 陝縣志

卷十一

略而去已而河南督軍署又搜集各縣槍支巡緝營無形取消

保安隊 自十一年後陝縣迭遭兵禍土匪乘隙而起時有搶略三十四五六七八等區皆  
先後組織民團專事抵禦匪患人數槍支多寡不一隊長由本區推舉呈請縣公署委任  
其後四五六七八等區地處山鄙民團人數槍支大事擴充漸成私人勢力尾大不掉官吏  
莫可如何二十年後編爲保安隊雖名目改編而實則仍舊把持派款勒索愈加橫暴暗  
殺私鬪迄無寧日二十二年八月專員歐陽珍蒞任下車問政洞悉民隱遂決計改編整  
理時全縣保安隊有四中隊十二分隊其駐紮城廂者僅一分隊步槍二十三枝且多損  
壞堪用無幾以之拱衛城廂尙虞不足何能裁制散駐各區實力超越之團隊以是養癰  
貽患寢成偉大不掉之勢置縣長於高拱無爲之地乃先編練教導大隊以作政府基本  
武力然後分期調縣改編其有不聽調遣者卽予解散共編成保安三個中隊每中隊步  
槍九十枝人數一百零八員名其中不良份子之官長均分別撤換另委以軍校出身者  
充任間有青年有爲之官佐亦經先後保送廬山幹訓班及駐豫軍官團受訓經此改編  
整理兵切實用民賦減輕而兵力集中指揮約束悉入正軌一掃私人之勢力變爲民衆  
之干城數月之後地方寧謐民衆各安居樂業較前實有堂獄之別山岩鄉陬鷄犬不驚



遠邇遍頌口碑載道云

二十三年一月復遵照河南全省保安團隊改進大綱規定將全區原有保安隊完全統於一區編成保安一團以保安副司令兼團長團轄三個大隊十二中隊每中隊編入機造步槍九十枝以印餘截曠項下補充大刀水壺軍毯飯包乾糧袋通訊電話等件所有不堪應用及土造雜槍均一律剔去撥交各縣警察及政警隊以充實其武力其原有之迫擊砲二門機關槍四挺亦均編入步兵中隊之內以存精華

二十四年七月奉令改爲保安第十五團移歸河南全省保安司令直接管轄仍駐本區担任防務由二十二年迄今共經三期改編

按陝縣保安隊成立於土匪猖獗之際而狡獪之巨匪遂黃緣加入大肆活動歷任縣長以其根深蒂固不敢公然改編乃利用其勢力作以毒攻毒之計卒之無形墮其彀中而民益不聊生歐陽專員洞悉隱情逐漸剷除不惟指揮如意而拯民於塗炭之中俾登諸衽席之上誠歷來所未有之地方長官也迄今三載民慶昇平亦云幸矣

設立保安隊班長訓練所 專員歐陽珍擬定計劃改編保安隊初步工作先從集中訓練下級之班長着手呈准設立班長訓練所由各縣保安隊每一中隊挑選中下士或上

## 陝縣志

卷十一

三

等兵二人至三人編成一隊實施嚴格之軍事政治訓練尤注重精神教育每星期二次由專員担任規定三個月爲一期學術科全期計五百零四小時術科佔二百八十八小時學科佔二百一十六小時畢業後仍回原隊充任班長或附班長經此一翻陶鎔其精神思想行動大非昔比後經過四次改編均獲順手實班長訓練之效也全區先後曾訓練三期第一期二十三年三月一日開學五月十五日畢業原訂學期兩個月延長十二天畢業人數八十名陝縣畢業人數二十三名第二期二十三年七月二十日開學十一月十日畢業原訂學期三個月延長二十天畢業人數六十八名陝縣畢業人數一十三名第三期二十三年十一月二十日開學二十四年三月七日畢業原訂學期三個月延長十七天畢業人數一百名陝縣畢業人數十六名共計三期二百四十八名陝縣五十二名

訓練壯丁 專員歐陽珍到任後開始編組壯丁隊以扶植民衆武力確立自衛基礎令各縣依限呈報次第訓練出巡時親爲點驗列諸考成陝縣成立五區隊三十五聯隊二百三十三小隊二萬八千九百零四名壯丁槍一千零三十一枝彈藥九千二百四十四又設立班長訓練班幹部訓練班壯丁訓練班陝縣班長訓練班第一期二十二年十二月



三日入伍二十三年二月二十五日退伍受訓一百一十九名第二期二十三年三月十二日入伍六月退伍受訓一百一十六名幹部訓練所第一期二十三年七月十日入伍十月五日退伍受訓一百七十三名第二期十月二十日入伍二十四年一月十五日退伍受訓三百零一名壯丁訓練隊第一期二十四年二月一日入伍五月二十三日退伍受訓二百五十二名第二期八月入伍十一月三十日退伍受訓二百五十名第三期二十五年一月八日入伍五月十五日退伍受訓一千三百二十五名

徵兵 二十四年六月奉令辦理徵兵組織宣傳隊分赴四鄉召集民衆說明國家之大勢及現在改革兵制之需要至十一月開始抽籤十二月一日入伍凡應征壯丁必須經過醫生嚴格檢查稍有缺點立即遣回另有預備數遞補當入伍之日地方各機關團體學校開會歡送以昭激勸陝縣應徵壯丁六十五名預備壯丁二十六名

成立團管區 二十五年五月遵照規定成立陝縣團管區司令部事先規定日期召集全縣區長區員聯保主任保長以及商學各界開兵役講演會一日講演兵役法之重要同時并舉行徵兵宣傳大會加以游藝化裝演講各學校均繪有兵役漫畫標語等件遍貼于會場四週以廣宣傳又呈准河南全省保安司令部翻印軍政部規定之兵役法兵

## 陝縣志

卷十一

四

役及齡男子調查規則兵役施行條例兵役須知各書派員攜帶各書分赴各縣講演指導廣事宣傳

按征兵爲改善兵制救亡圖存之唯一要政亦卽古寓兵於農之至意故詳述團管區以明重要云

組設防空支會及開辦防空訓練班 年來國際情形日益緊張世界大戰一觸卽發防空設備未容稍緩專員歐陽珍爲貫徹防空組織充實自衛力量起見事先派員赴省受防空訓練畢業之後回縣負責籌備依照規定簡章組織防空支會二十五年六月舉行防空宣傳大會七月五日利用暑假開辦防空訓練班一班同時小學教師講習會亦加以防空訓練並實地演習在指定地點各組織防空聯絡哨各設哨長一人哨兵十二人指揮訓練以作防空之準備